





樵李魏希文纂

毛虫類

馬

爾寧性  
季青家  
藏書齋

埤雅云馬一歲曰駒又曰馬二歲曰駒三歲曰駘八歲曰  
馭馬八歲一變說文云馬怒也武也象馬頭髮尾四足之  
形馬字古作𠂔字馬不純曰馮上馬曰駟乘馬曰騎御馬  
曰馭習馬曰駟馬行曰駟馬走曰駟疾走曰駟奔曰馮行  
捷曰驍行疾曰馭馬馳曰騁又曰騰行速曰驟馬止曰駐



埤雅曰相馬之法肝欲其小耳小則肝小肺欲其大鼻大則肺大脾欲其小臘小則脾小心欲其大目大則心大又曰眼欲其有紫艷口欲其有紅光上唇欲其緩下唇欲其急上齒欲鈎鈎則壽下齒欲鋸鋸則怒脊欲大而抗額欲方而平喉欲曲而深胷欲直而出兔腋欲開虎口欲開升肉欲大而明輔肉欲大而明耳欲如擘竹睛欲如懸鈴頭欲高如剝兔項欲起如飛龍又曰人眼鳥目麋背麟腹虎胷龜尾犖頭如鷹垂尾若篲又曰望之大就之小筋馬也望之小就之大肉馬也前視見目旁視見腹後視見足駿馬也毛束皮皮束筋筋束肉肉束骨五者兼備天下之良

馬也又曰口中紅白間色者壽鼻中紅色如朱點書者壽眼中赤色如字形者壽一筋從玄中出者謂之蘭筋玄中者眼中上階如井字蘭筋豎者千里馬也

相馬經云馬生下墮地無毛行千里尿舉一脚行五百里蘭筋豎者千里馬膝如團麴千里馬一歲上下齒二十四歲齒黃三十二歲齒白馬頭為王欲得方目為丞相欲明脊為將軍欲得強腹為城郭欲得張四下為令欲得長眼欲得高匡睛欲如懸鈴鼻孔欲得大鼻頭欲得有王火字口中欲得赤膝骨欲圓而張耳欲得相近豎小而厚伏龍骨欲得成頸欲得長雙跂欲得大而突蹄欲得厚腹下欲



得平有八字尾骨欲得高而垂凡相馬之法先除三羸五  
 駑乃相其餘大頭小頭一羸弱脊大腹二羸小脚大蹄三  
 羸其五駑者大頭緩耳一駑長頸不拆二駑短上長下三  
 駑大脰短脅四駑淺髓薄髀五駑又曰馬汗溝欲深脊欲  
 伏龜兩邊有迴毛曰騰蛇殺主口邊有迴毛曰銜禍妨主  
 白額入口名曰的盧奴乘客死主乘棄市迴毛在目下曰  
 承淚不利人也

萬花谷曰相馬之法水火在鼻兩孔間牙欲前向去齒一  
 寸則四百里牙劍封則千里目欲湍而澤肋欲長而懸股  
 欲厚而緩腹下欲平湍汗溝欲長腋欲開膝欲方蹄欲厚

三寸堅如石春秋考異記云地生月精為馬月數十二故  
 馬十二月而生春秋說題辭云地精為馬十二月而生應  
 陰紀陽以合功故人駕馬任重致遠利天下月度疾故馬  
 善走草木子曰馬四歲而兩齒至二十歲齒盡平戎馬八  
 尺田馬七尺駑馬六尺猪槽飼馬石灰泥槽汗而繫門三  
 事落駒埤雅云馬與蚕同氣物不兩大蚕四月死五月再  
 生蚕盛則馬病故周官禁原蚕周禮註云蚕為龍精與馬  
 同祖一歲再蚕則蚕勝而馬衰故禁之蜀人祀馬頭娘以祈蚕  
 周禮云馬生于午稟火氣而生火不能生水故有肝無膽  
 膽木之精氣也木臟不足故食其肝者死



周官馬質掌質馬一曰戎馬二曰田馬三曰駕子馬皆有

物賈網惡馬周官校人掌王馬之政辨六馬之屬種馬一

物也良馬戎馬一物戎馬路駕齊馬一物金路駕道馬一物

馬道田馬一物田路駕駕馬一物中以給官凡領良馬而養

乘之乘馬一師四圍四疋曰乘三乘為阜疋為阜阜一趣

馬下士之三阜為繫疋為繫繫一馭夫中士之一六繫為

廐六疋為廐一僕夫上士之六廐成校九千二百九十

校有左右為二校各駕馬三良馬之數倍良馬三麗馬一圍

為麗是二圍八麗一師共一圍八師一趣馬八疋共二十

八趣馬一馭夫之數五良一駕凡三千四百五十六疋

而王馬天子十有二閑六廐成校校有馬六種邦國六閑

諸侯良馬三閑馬四種無種馬家四閑閑駕大夫良馬一馬二

種馬止有曰凡馬特居四之一特壯馬也二牝一春祭馬祖

祭天執駒馬二歲為駒性未定夏祭先牧祭始養領馬攻

特壯馬蹄鬻不可乘用故秋祭馬社祭始乘臧僕簡為馭

善冬祭馬歲祭神為災獻馬于王講馭夫又趣馬掌贊

正良馬而齊其飲食簡其六節掌說之領辨四時之居治

以聽馭夫又有巫馬牧師庾人圉師圉人皆養馬之官也

考工記註云種馬駕玉路戎馬駕革路齊馬駕金路道馬

駕象路田馬駕木輅駕馬駕役車又曰國馬高八尺田馬

輿史集

卷之五

四



高七尺。駑馬高六尺。或曰馬八尺以上為龍。七尺以上為騾。六尺以上為馬。

爾雅云宗廟齊毫純尚戎事齊力純尚田獵齊足疾尚

埤雅云古者天子乘龍。諸侯乘馬。故易以龍叙乾。以馬鳴坤。而天子乘龍。駕六。諸侯乘馬。駕四。白虎通曰天子駕六者。示有事于天地四方也。

蟬史云易說卦傳言乾為良馬。為老馬。為瘠馬。為駁馬。蓋乾為純陽。至健。言馬之德。馬之良也。諸卦乾為陽之極。言馬之為馬之老也。六陽堅強。多骨少肉。陽動陰靜。馬動不已。則瘠。言馬之形。馬之瘠也。說文云駢白曰駁。詩云皇駁

其馬蓋駁為馬之上色。古者國君乘之。國君所乘馬之貴也。駁然成章。馬之文也。又陽極則反。純極而駁。生馬故言

馬之色。馬之駁也。

按雙湖胡氏曰乾為天而貫四時故純陽而健為馬在春為良在夏為老秋為

瘠冬為駁乾取象無所不包不可與諸卦例蓋馬善行行而不已則老老則瘠瘠則毛變而駁矣

又曰震于馬也。為善鳴。為馬足。為作足。為的顙。蓋震為雷。物莫鳴于雷。又震為氣之始。亨上。虛下。實氣從口揚。故為善鳴。陽在下。故為馬足。為作足。又馬足是骸白也。陽之色。作足是超騰也。陽之捷。皆言下畫之陽也。陰在上。故為的顙。的白也。顙上也。又額有旋毛。中虛如射者之的。言上畫之虛也。又曰坎于馬也。為美脊。為亟心。為下首。為薄蹄。坎



陽居中故為外體之中則美脊內藏之中則心亟急也前  
畫柔故馬首下而不昂後畫柔故馬蹄薄而不厚

造化權輿曰馬軋象故蹄圓牛坤象故蹄圻

博物志云馬食穀足重不能行鴈食粟足重不能飛

馬○爾雅曰後右足白驥左白馬易震為馬足蓋取其躁

也馬政論曰後足偏白者凶若馬之類是也

駱○爾雅曰白馬黑鬣曰駱廣雅曰白馬朱鬣今呼黃馬

尾鬣一道通黑如界者為駱俗云駱馬善耐勞苦詩曰嘽

嘽駱馬言其勞也

白顛○埤雅云白顛即爾雅所謂之顛今之戴星馬是也

詩曰有車鄰鄰有馬白顛即的盧也乘之妨主馬之貴者  
的吻○馬政論曰顛有白毛謂之的盧準上有旋毛及白

毛者謂之的吻乘之皆凶

鐵○說文云馬深黑色曰驪赤黑色曰鐵陸氏曰取其馬

色如鐵亦取其堅壯故曰鐵詩曰駟鐵孔卓六轡在手蓋

馬類不一駢馬則喜前駑馬則喜後故駑馬以鞭為主駢

馬以轡為主鐵性如悍今六轡在手則無事于轡矣

駮○說文云白腹曰駮駮淺赤也一染謂之駮再染謂之

經三染謂之纁然則駮赤馬白腹者也詩云駮駮彭彭也

黃○埤雅曰黃驛曰黃馬之上色詩曰有驪有黃列子曰



牝而黃壯而驪

駒○埤雅云馬青驪曰駒今之鐵駒也詩曰駒彼乘駒

駟○爾雅云黃白雜毛曰駟陰白雜毛曰駟駟今之桃花

馬駟今之泥駒馬也詩曰我馬維駒我馬維駒我馬維駟

我馬維駟可以見駟不如駱駝不如駟卒言駟者明馬雖

彌芳所以御之滋善

馮○馮即烏駒也其色驪白或云蒼白雜毛曰馮出埤

騅○騅亦馮類取鶴之色或曰蒼黑雜毛曰騅出埤

騏○毛詩傳云青黑曰騏陸氏曰騏蒼艾色一曰馬青驪

文如博棋也詩曰騏駼是中駟驪是騅蓋騏駼中駟驪驪

上駟也

駮○說文云駮白白駮徐鉉曰其色象駮故曰駮

駮○陸氏曰馬之善者駮牝驪牝爾雅云駮牝驪牝以罕

稱也凡馬七尺以上為駮詩曰駮牝三千駮田馬也

駮○爾雅云馬八尺以上為駮絕有力可從戎事

飛菟○芸心識餘云飛菟者神馬之名日行三萬里禹治

水勤勞救民之害此馬應德而至

乘黃○萬花谷云乘黃古之神馬有五肉角龍翼馬身日

行萬里一名飛黃山海經曰西海外白民國有乘黃身被



角淮南子曰飛黃神馬也天下有道飛黃伏阜註云如狐背有角乘之壽三千歲

驎馬○蟬史云驎海馬也一作駮馬似馬一角或云十尾

一角一統志曰海中出獸如馬名駮馬身皆馬形而尾獨

類牛山海經云驎馬牛尾白身一角其音如虎生于水中

馬銜○海賦圖云馬銜其狀馬首一角而龍形荆州記云

襄水中獸如馬甲如鯨鯉好在磧上自曝騰頭似虎掌爪

馬銜之類

駮蹄○爾雅云駮蹄𦍋善陞甌註云駮蹄似馬而牛蹄甌山形似甌上大下小言駮蹄如𦍋而健上山

駮蹄之屬蹄如𦍋而健上甌山也

駮蹄○山海經云柶陽山獸如馬白首虎文赤尾其音如

謠名曰鹿蜀寢其皮宜子孫唐韻曰鹿蜀野馬也

駮駮○說文云駮駮野馬也出北海形似鹿蜀

旄馬○南海外有旄馬如馬而足有四節垂毛出山海經

驪○爾雅曰驪如馬一角不角者騏註云九真郡得一獸

大如馬一角角如鹿茸即驪也

臙踈○帶山有獸如馬首有角可以錯刃名臙踈出山海經

驛○歸山有獸如鹿特膝而四角馬尾有距名曰驛出山海經



駮驢○蟬史云蛩蛩駮驢二首也前足高而後足低不能食草有獸名蛩前足低而後足高能食而不能走得甘草必遺蛩蛩駮驢有警則蛩蛩駮驢負履而走相須以為生也蛩似馬駮也似驢而小

駒駮○山海經云北海內有獸如馬青色名駒駮

駮駮○鄒陽傳云駮駮駿馬也七日而超其母

驪裏○應劭曰驪裏駿馬也赤喙黑身日行一萬五千里

瑞應圖曰騰黃驪裏皆神馬也王者與服有度則出

驪驪○左傳云唐成公有兩驪驪楚子欲之不與楚子常

田成公而唐之臣竊馬以獻成公得歸蓋驪驪良馬也

八駿○拾遺記云周穆王得八駿之馬一曰絕足二曰翻

羽行越飛禽三曰奔宵夜行萬里四曰影逐逐日而行五

曰瑜輝光色炳耀六曰超光一形十影七曰騰霧垂雲而

超八曰挾翼身有肉翅穆天子傳曰八駿赤驥黃驪白羲

蹄輪山子渠黃驪駮駮駮駮日馳三萬里

九逸○西京雜記云漢文帝有良馬九疋一曰浮雲二曰

赤電三曰絕群四曰逸驃五曰紫燕六曰駮駮七曰龍子

八曰絳駒九曰絕塵謂之九逸

六駿○一統志云西安府昭陵石刻六駿一曰青驪二曰

什代赤三曰特勤驃四曰颯露紫五曰拳毛騮六曰白蹄



鳥唐太宗所乘者像各有贊

十驥○回鶻傳云東首利幹國產良馬日馳數百里唐太

宗取其異者名曰十驥曰騰霜驄曰皎雪驄曰凝露曰縣

光曰决波瑜曰飛霞驃曰發電赤曰流金馱曰翔麟紫白

奔紅赤

七馬○秦始皇有七馬曰追風曰白兔曰躡景曰追電曰

飛翮曰銅雀曰晨鳧

五體○酉陽雜俎云馬有五體曰輪鼠曰外鳧曰烏頭曰

龍翊曰虎口

織離○六帖曰飛黃織離龍媒騶裏駿馬也駑胎欸

段嘉馬也

烏騅○漢書云項羽有馬名烏騅兵敗歌曰時不利兮騅  
不逝騅兮騅兮奈若何

六閑○唐書云武后置馬坊仗內六閑一曰飛龍二曰祥  
麟三曰鳳苑四曰鸞鴛五曰吉良六曰出群

二龍○元世祖時于冥國獻馬曰二龍一曰鳳頭一曰花  
湍川

果下馬○一統志云濊國出果下馬高三尺乘之可以果

樹下行

肇慶出果下馬最高不踰三尺駿者  
有兩脊骨是隻脊馬健而能行

的盧○蜀志云劉備得馬名的盧乘過襄城墮檀溪中而出

赤菟○漢末呂布以誅卓功封温侯御良馬曰赤菟



驚帆○陳思王馬

豹月鳥○張飛馬

赭白○晉慕容廆馬

獅子花○郭子儀馬

獅子驄○朝野僉載云大宛國有千里馬其駿曳地名獅子驄

子驄 玉花驄○唐太宗馬又有拳花毛驄

忽雷駁○秦苻寶馬 如意駁○唐德宗馬

照夜白○唐明皇馬善舞其曲曰傾盃樂每樂作則奮首

鼓尾縱橫應節後為祿山所斃

九花虬○伽藍記云唐代宗有馬名九花虬高九尺毛拳

如鱗身披九花名曰九花虬

望靈驢○唐德宗幸梁御馬號望雲驢飼以一品料

黃駒○契丹與劉昊以黃駒馬周世宗號以自在將軍

玉逍遙○宋仁宗馬名玉逍遙行步有尺度疾徐皆中節

碧雲霞○宋莊憲太后賜荆王以備上閑為御馬第一

駁○說文云駁馬赤鬣縞身目若黃金古皇之乘

獻通考云李廣利斬大宛王首取汗血馬來血汗從前肩

膊出作西極天馬之歌晉載記云大宛有千里駒皆汗血

朱鬣鳳翥麟身史元鼎四年馬生渥洼水中上作天馬之歌

騾

說文云驢父馬母生者謂之騾馬父驢母生者謂之騾

陽雜俎曰騾不滋乳格物論曰驢父馬母曰騾馬父驢



母曰駝。蟬史云：驢不生育，性剛善走，視馬則小，視騾則大。北方人多取以駕車，力耐遠行而不困。又一種驢，父牛母生者，名曰駝。

驢

爾雅翼云：驢似馬，耳長，其龐褐低小，不甚駿異，故稱蹇馬。性能旋磨，及馱負率似牛。五更初而鳴，其聲醜格。物論云：驢子名騾，又名驢。說文云：驢似馬而小，長耳善行。玉堂閑話云：凡驢馬上旬所生者，隨母行；常在母前，中旬所生者，並母而行；下旬所生者，隨後而行。

橐駝

蟬史云：橐駝一名駱駝。說文云：駝，負荷也。能負囊橐，故曰橐駝。背有兩峯，如鞍，名曰駝峯。駝足三節，長頸，色蒼褐，負物千斤，屈足受之，載未盡，量終不起，臥腹不帖地，屈足漏明者，名明駝，日行千里，能知泉脈所在，以足踏地，掘之得泉。埤雅云：駝大如水牛，長頸高脚，紫色垂耳，脊上有一封者，二封者能負千斤，知泉脈所在。天將風，引頸而鳴，其糞烟直上如狼烟也。義訓云：牛之聲曰牟，駝之聲曰圓。酉陽雜俎曰：駝亦齧，今其毛褥溫厚，煖于狐貉。遇夏常退毛，至盡乃能辟熱。故古冬取皮于狐類，而裘取毛於駝類，而褐成也。山海經云：陽光之山多駝，善行沙中，日行三百里。



負千斤木蘭篇云明駝千里脚言駝臥腹不帖地屈足漏  
 明則行千里漢書曰大月氏出一封橐駝註云脊上有一  
 封封高也若封土然異戎志曰西南夷國出石橐駝腹下  
 出水飲之令人身白孔帖曰南蛮寶利佛逝有橐駝豹文  
 而犀角且耒且耕名曰牛駝豹郁離子曰知風莫過于老  
 駝識路莫逾于老馬

象

埤雅云象南越大獸長鼻牙望前如後三年一乳行孕肉  
 兼十牛命在其鼻食物皆以鼻取之服馴巨象以小斧刃  
 斲之其金瘡見星月即合之象之其土必豐又曰象性久

識能浮水出沒體具十二肖肉唯鼻是其本肉膽不附肝  
 隨月轉在諸肉假如正月建寅膽在虎肉建卯膽在兔肉  
 鼻端有小爪可拾針其牙生必因雷聲象出交趾土人置  
 石室惟通一路先置芻豢于中馭一馴雌象入焉布甘蔗  
 于道野象來食之則縱馴雌象誘入石室隨以石室其門  
 象飢人緣石室飼象少馴則騎而制之牧者謂象奴  
 酉陽雜俎云象性久識見其子皮必泣一枚重千斤又云  
 象妬惡犬聲象耳後有穴薄如鼓皮一刺而斃又云象孕  
 五歲始生膽隨四時在四足春前在夏前右秋後左冬後  
 右如龜無定體也虞衡志曰象出交趾山谷惟雄者有兩



長牙象頭不可俯頸不可回口隱于頤去地尚遠運動以鼻為用一軀之力皆在鼻將行先以鼻拄地乃移其足知其足力劣于鼻也鼻端甚深可以開闔取物中有小肉夾雖芥子亦可食每以鼻取食以鼻汲水足無指而有爪甲五稜足如柱其身形如大栗登高趾峻坂涉深水形擁腫而甚捷博物志云南海四象各有雌雄其一雌死百有餘日其雄泥土著身獨不飲酒食肉人間之輒流涕若有象狀南越志云象牙有長一丈餘者脫其牙則汲藏之象奴乃削木以代之不令其見也象牙有縱橫文理自脫者名血牙為上如死而剔出者名死牙文理雖有而無光潤之

色矣雲南記云荆蛮山中多野象然楚粵之象皆青惟天竺佛林大食諸國乃多白象

### 狐

說文云狐妖獸也鬼所乘之白虎通曰狐有三德其色中和小前大後死則丘首禮檀弓云狐死正丘首不忘本也陶隱居曰江東無狐皆出北方形似狸而黃善為魅本草云狐形如黃狗鼻尖尾大蟬史云狐身小尾大其形如篲是以渡水濡尾也玄中記云狐五十歲能變化百歲為美女為神巫為丈夫與女子交接能知千里外事即與天通是為天狐或曰千歲之狐為淫婦百歲之狐為美女抱朴



子曰狐壽八百歲三百歲變為人名山記云古有淫婦名紫紫化為狐酉陽雜俎云野狐名紫夜擊尾出火戴鬪體拜北斗不墜變為人矣

埤雅云狐性好疑。豺性好睡。皆歲獸也。又云狐有媚珠。又曰狐禮北斗而靈善變化。其為物妖淫。故詩以刺惡。所謂雄狐。綏綏是也。易云小狐汔濟。濡其尾。小者才不足也。狐者志不果也。又云狗性獨。狐性孤。羊性群。鹿性麗。說文云鹿之性見食急。則必旅行。類從云燕。識已。不食泥。狐潛上伏。不越度阡陌。又云狐狼知虛實。虎豹識衝破。汲冢周書云不令支。玄模註云不令支皆東北夷模曰狐

玄模蓋黑狐也。又曰青丘狐九尾。註云青丘海東地名。山海經云青丘之狐九尾。白虎通曰德至鳥獸則九尾狐見。顏師古曰狐白裘謂狐腋下之皮。其毛純白。集以為裘。輕柔難得。故貴也。

蠶蛭。○鳧麗山獸。狀如狐而九首。九尾。虎爪。名曰蠶蛭。朱孺。○耿山獸。如狐而魚鬣。名曰朱孺。見則國有大恐。獒。○如逢山獸。如狐有翼。音如雁。名曰獒。見則大旱。猓。○猓獸。似狐有翼。又曰似豹。一角五尾。此海上出。

狸狸一作

爾雅曰狸子隸。郭氏曰今或呼豨狸。羅氏曰獸口銳而尾



大狸口方而身文黃黑彬彬蓋次于豹爾雅云狸狐貓貉  
醜其足播其跡夙埤雅云四者其性一而狸又伏獸好擬  
度故其跡皆夙而不速也狸一名伏獸說文云伏獸似羆  
徐鉉曰狸善藏伏也方言曰羆狸別陳楚江淮間謂之羆  
北燕朝鮮間謂之羆閩西謂之狸  
埤雅曰狸豸在里者里人所居也論衡曰小盜狸步鼠竊  
狸之伺物卑身而伏以候教者似羆而小文彩班然異于  
貓貉故法言曰辨人狸別其文萃也性善擬度鄭氏曰狸  
善搏者也行則止而擬度焉詩曰取彼狐狸為公子裘言  
狐善疑狸善擬不可以有為也樂記曰狸善搏行則擬度

其發必獲故候取象焉

蟬史云狸似猫而大晝伏夜出金眼長尾黑質白章尾紋  
九節名九節狸性狡而捷俗呼野猫好捕鼠及人家鷄鴨  
之屬其玉面狸飛狸羆狸皆其類也

羆狸○羆狸似鼠而大說文云羆兔頭鹿身即羆狸也

風狸○格物論云一種狸似兔而短多栖息高木候風吹  
而過他木謂之風狸酉陽雜俎云南中有風狸如狙眉長  
好羞見人輒低頭

牛尾狸○廣雅曰一種面白而尾似牛者名牛尾狸又名  
玉面狸專食百果



香狸○酉陽雜俎曰香狸取其水道連囊以酒澆乾之其氣如真麝蟬史云香狸一名香貓一名靈貓一名蛤狸臍香如麝自為牝牡俗呼野猫麝異物志云靈狸一體自為陰陽

貉

蟬史云貉一作貉似狐篲尾俗呼貉狗爾雅云貉子貍註云其雌者名貍今江東呼貉為狹瘦字說云貉似狐狐善疑貉善睡狼善顧駝善走貉營窟與獾皆為曲穴以避雨賜亦以防患淮南子曰蠃知為埴獾貉為曲穴虎豹有茂草野豨有芄菁陰以防雨景以蔽日此鳥獸之所以為知也

埤雅云獾貉同穴而異處獾之出穴以貉為導山海經云添澤出玄貉墨客揮毫云貉行數步輒睡擊竹警之乃起復行復睡考工記曰貉踰汶而死註云貉似狐汶水在魯地貉過此水則死陸氏曰此言邦域殊氣各有所宜南方異物志云傳言貉不渡汶鸚鵡不踰濟狐不渡江而南橋不渡江而北區宇之內咫尺不同而况今之華夷限以江海魁詭侏侏可勝言哉

貍

爾雅云貉子貍貍子狸又曰狸狐貍貍醜其足播其跡夙言能掌蹠夙指所處也俗傳貍與貉同穴而居郭註云貍



一名獾本草云獾似犬而矮尖喙黑足褐色與貉相類但足少別耳江東名曰獾豚又曰獾豚極肥也今吳下呼為獾黃又云豸黃又名豸豚又一種獸亦名獾似豸角在鼻上堪作弓

麇○唐韻云麇似貉八目

獬○山海經云翼望山有獸如狸五尾名曰獬其音奪衆聲可以療疾說文云即貉類也

梁渠○山海經云磨石山獸狀如狸白首虎爪名梁渠見則國有兵

牛

說文云牛大牲也牛象角頭三封尾之形孔子曰牛羊之字以形舉也埤雅云牛土畜也馬火畜也土緩而和火健而燥故易乾為馬坤為牛詩曰來斯其耳濕濕濕言潤澤也蓋牛之為物病則耳燥安則濕潤故古之視牛者以耳又曰牛能却虎埤雅云牛之相壁堂欲濶膺廷欲廣豪筋欲就雋骨欲垂棟頸欲高排肋欲密尾不用至地頭不用多肉角欲得細身欲得圓眼欲得大口方易飼鼻廣易牽倚欲如絆馬行欲如羊形欲如卷懸蹄欲如八字亂睫好觸龍頸突目好跳垂拳角冷有病毛少骨多有力岐胡有壽相牛經云牛岐胡壽岐率兩腋分為三去角近行駛眼欲得大眼



中有白脉貫瞳子最快頸骨長且大駮壁堂欲得濶倚欲  
 得如絆馬膺廷欲得廣謂天關欲得成背接雋骨欲得垂  
 欲得中央蘭株欲得大概豐岳欲得大膝林捶頭欲得高百  
 體欲得緊垂星欲得有努肉蹄上巴肉覆力柱欲得大而  
 成當車也懸蹄欲得如八字陰虹屬頭自陰耳者有雙筋陽塩  
 欲得廣陽塩者犬尾常有似鳴者有黃也洞胡無壽珠淵  
 無壽旋毛當目下也池有亂毛妨主凶上池角也身欲得促形欲得  
 如卷大腓踈肋難飽龍頭突目好跳豪筋欲得成就橫筋後  
 也毛欲得短密若長踈不耐寒氣尾不用至地尾毛少骨  
 多角有加膝上肉欲得豎角欲得細鼻如鏡則難牽口方

易飼聚府方易飼又曰牛有二種黃牛水牛也水牛大而  
 踈毛角橫善鬪好沉水中故曰水牛異物志云水牛一名  
 周田青毛大腹銳頭長尾草木子曰牛雖有耳而聽以鼻  
 龜雖有鼻而息以耳又曰凡物食草者多力而愚食肉者  
 勇敢而悍齧吞者八竅而郊生咀嚼者九竅而胎生無角  
 者膏而先齧角者脂而先後  
 蟬史云按說文云牛赤色曰特又曰欄黃曰犍白曰犗又  
 曰犗黑曰犍又曰犗黃白色曰犗黃牛黑脣曰犗黃牛虎  
 文曰犗白脊牛曰犗又曰犗純色牛曰犗雜色牛曰犗黑  
 眼曰犗牝牛曰犗牡牛曰犗又曰犗又曰犗又曰犗又曰犗



摘水牛曰犛牛子曰犢牛二歲曰犝三歲曰犛四歲曰犛  
 六歲曰犛無子曰犛無角曰犛頭短曰犛牛蹄曰犛牛頭  
 曰犛牛行曰牽牛鳴曰牟有力曰犛牛驚走曰犛牛觸曰  
 犛犛雅又曰按禮內則祭天地之牛角蘭栗又禮云牛曰  
 一元大武六牲之號管子云凡聽宮如牛鳴窳中牛含宮  
 聳故柳子以為黃鍾在頭也蓋牛之鳴曰牟駝之鳴曰圓  
 周官曰牛夜鳴則唐許赫重曰唐久屋朽木牛夜鳴則唐  
 臭如朽木也牛陰物也故蹄圻馬陽物也故蹄圓陽病則  
 陰勝故馬疾則臥陰病則陽勝故牛病則立馬陽物也起  
 先前足臥先後足牛陰物也起先後足臥先前足

爾雅云牛曰飴復食之已久羊曰羴麋曰羴

也糞寓鼠曰噍類衰貯食處也寓謂猿

勇翬黑脣犛黑脊犛黑耳犛黑腹牧黑脚犛體長犛

酉陽雜俎云牛常有聲有黃也角冷有病旋毛在珠淵無

壽睫亂觸人街烏角偏妨主溺射前良牛也踈肋雞養三

歲二齒四歲四齒五歲六齒六歲以後每一年接脊骨一

節本草云牛有黃者皮毛光潤眼如血色時復鳴吼又好

照水人以盆水承之伺其吐出乃喝迫即墮落黃如鷄子

大重疊可坼揭輕虛而氣香者佳此其最勝者若殺死在

角中得者名角黃心中得者名心黃肝膽中得者名肝黃



周禮云牛宜稌。註云牛土畜稌土穀故牛宜稌也。周禮牛人掌養國之公牛以待國之政令。凡祭祀共其享牛。求牛以授職人而芻之。凡賓客之事共其牢禮。積膳之牛。饗賓射共其膳羞之牛。軍事共其犒牛。喪事共其奠牛。凡會同軍旅行役共其兵車之牛。

周禮考工記云弓角也者以為疾也。膠也者以為和也。凡相角秋網者厚。春網者薄。穉牛之角直而澤。老牛之角紆而昔。疾險中瘠。牛之角無澤。角長二尺有五寸。三色不失理。謂之牛戴牛。凡相膠欲朱色而昔。昔也者。深瑕而澤。紆而搏。廩鹿膠青。白馬膠赤。白牛膠火。赤鼠膠黑。

魚膠餌。犀膠黃。易曰鞏用黃牛之革。蓋牛革最堅也。

風俗通曰。吳牛見月而喘。言使之苦于日。是以見月而喘也。蓋傷禽驚于虛弦。疲牛望月而喘。物之憚怯。見似而譎也。食療云。牛者稼穡之資。不可屠殺。玄中記云。千歲之樹化為青羊。萬歲樹精化為青牛。淮南子曰。齊威公見甯戚方飯。牛叩角而歌。知其賢也。乃用為相。酉陽雜俎云。甯公所飯牛。陰虹屬頸。陰虹雙筋。自尾屬頸也。

犀

爾雅云。兕似牛一角。犀似牛三角。郭註云。一在頂上。一在額上。一在鼻上。嶺表錄異云。一在額上。為兕。犀一在鼻上。



為胡帽。犀牯犀亦有二角，皆為毛犀。今人多傳一角之說。此數角俱有粟文，以文之粗細為貴賤。說文云：犀微，外獸也。形如水牛，猪頭三蹄一孔三毛。行江海水開。

埤雅云：犀性絕躁，似豕，有鳩處必有之。蓋犀角能解鳩毒也。形似水牛，大腹卑脚，脚有三蹄，黑色一孔三毛。三角一在頂上，一在鼻上，一在額上。鼻上者食角也，小而不好食棘。亦有一角者，前足直，常依水而立，木仆則不能起。故土人多植木，木爛，犀倒殺之。異物志云：犀體兼五種肉，犀舌有棘，常食草木莖刺。交州記云：犀有二角，鼻上角長，額上角短。或曰三角者水犀也，二角者山犀也。異物志云：海

水中水犀，樂聞絲竹。彼人動樂，牛則出來，以此採之。

埤雅又曰：犀之最貴者有通天花犀，蓋犀惡影，常飲濁水，重霧厚露之夜，不濡其裡，白星微，瑞俗云：犀望星而入角。即此也可以破水駭鷄。以其有光，故鷄見影而驚，其以角理海有正插倒插。正插者角腰以上通，倒插者角腰以下通。或曰：尖花小而根花大，謂之倒插。有腰鼓犀者，中斷而不通。其類極多，足為奇異。故波斯國呼象牙為白暗犀，角為黑暗言難識別也。又曰：犀亦自愛其角，墮角即自理之。人輒以木角易之，又曰：其角在頂者謂之頂犀，在鼻者謂之鼻犀。犀角之文或如來椹，或如狗鼻者，上黔犀無紋，螺



犀紋旋牴犀文細牴犀文大而勻酉陽雜俎云犀之通天者必惡影常飲濁水當其溺時人迹不復移足

圖經云通天花犀其文理具百物之形犀角最大者曰墮羅犀一角有重七八斤者是牴犀額角其花多作撒荳班色深者堪帶勝班散而色淺者但可作器皿耳本草云通天犀胎時見天上物命過並形于角故曰通天犀抱朴子曰赤理如縵自本徹末故曰通天又曰通天犀角有白縷如絲直至角端此至神驗置屋中則鳥鳥不敢集屋上置米中鷄輒駭呼不敢食刻為魚銜入水則水開三尺冠宗奭曰鹿取茸犀取尖其精銳之氣盡在是矣續夷堅

志云凡犀角遇山川日月草木鳥獸隨寓成形月與魚等皆是常有唯宋韓魏公犀帶中央一片乃鹿啣花孝宗犀角一片乃是南極老人星像

兕

山海經云禱過山多兕狀如野牛青色一角長三尺餘背似馬鞍善觸重千斤其皮堅厚可以制鎧兕一作衆

埤雅曰兕善抵觸故先王之制此以為酒戒詩曰兕觥其觶旨酒思柔者此也兕觥罰爵也以兕角為之蓋酒陽物也而善發人之剛其過則在抵觸故制以為酒戒也又曰兕有水兕有山兕猶犀有二種也考工記云函人為甲犀







復出

糖牛○一統志云廣西桂平有糖牛與蛇同穴牛嗜鹽里人以皮裹手塗鹽入穴探取之角如玉可為器

犛牛○蟬史云犛牛一作犛一名諸犛舊傳似豹一目山海經云單張山獸如豹而尾長至首牛鼻直目名曰諸犛善叱行則含其尾居則蟠之

犛牛○蟬史云犛牛庫小今之犛牛也一名果下牛如果下馬然出廣西高涼郡

犛牛○蟬史云犛牛野牛之一也汲冢周書云數楚每牛註云每牛牛之小者也周成王時數楚之人獻此牛每作

茲白牛○汲冢周書云大夏茲白牛註云茲白牛野獸也形白似牛又駁亦名茲白

犛牛○唐韻註云犛牛似牛四角人面犛音淮

犛牛○說文云犛牛似牛三足

犛牛○蟬史云犛牛一作犛牛山海經云犛牛似牛白首一目蛇尾行水則竭行草則枯見則有兵後

窮奇○萬花谷云窮奇似牛而犬聲食禽獸逢忠信之人則嚙而食之逢奸邪之人則捕禽獸以餉之文選註云窮奇狀似牛而毛如蝟其音如嗥狗食人之獸也

犀渠○一統志云河南嵩縣有磴山陽多玉陰多菟有獸



如牛蒼身音如嬰兒食人名曰犀渠

夔○說文云夔即魑也如龍一足有角手人面之形孟康

云夔如龍有角人面赤舌山海經云夔狀如牛蒼身無角

一足出入則有風雨其音如雷黃帝以其皮冒鼓復以其

骨擊之聲聞五百里莊子曰山有罔象丘有峩山有夔野

有坊皇澤有委蛇國語曰木石之恠夔魍魎或云山鬼曰夔

罔象○國語云水之恠龍罔象韋昭曰罔象能食人

罔○山海經云罔似牛白首四角

委蛇○莊子云桓公問委蛇之狀皇子告敖曰委蛇其狀

大如殼長如轅紫衣而朱冠惡聞雷車之聲聞則捧其首

而竄見之者霸

山獮○神異經云西方有獸如人長尺餘袒身捕蜚蟹以

食名曰山獮國語註作獮或云山獮雜俎云山獮一名山

蕭一名山豨永嘉郡記作山魃一名山駱一名蛟一名蛟

一名濯肉一名熱肉一名暉一名飛龍如鳩青色巢大如

五斗器飾以土堊赤白相見狀若射侯犯者能殺虎害人

燒人廬舍

天吳○山海經云潮陽之谷神為天吳是為水伯虎身人

面八首八足八翼青黃色

飛遽○張揖曰飛遽天上神獸也鹿頭而龍身



兔

爾雅曰兔子媿俗呼曰媿其跡迹絕有力欣說文曰兔子名曰媿其狡者名曰媿其大者名曰兔詩趨兔

蟬史云兔似羊而小長耳短足大者不過二斤毛褐色一

名明視禮云祀祭宗廟之禮兔曰明視典畧曰兔者明月

之精視月而孕故楚詞曰願兔在腹言願兔在月之腹而

天下之兔望焉於是感氣兔一名抃握張衡云月者陰宗

之精積而成獸象兔兔陰之類其數偶

羅氏曰兔視月而有子其目尤瞭一說兔自雌雄不專視

月王充論衡云兔舐雄尾而孕及其生子後口吐出性狡

善走穴常三竅酉陽雜俎曰兔吐子鷓鴣吐雖埤雅云兔

口有缺吐而生子故謂之吐兔兔者吐也按今山中人未嘗見兔吐而生

子况鷓鴣與鶴古稱胎生而今皆如抱則知段成式陸佃之說未可盡信也

埤雅曰咀嚼者九竅而胎生獨兔雌雄八竅故陶氏書云

兔舐雄毫而孕五月而吐子然里俗又謂願兔而感氣故

卜秋月之明暗以知兔之多寡也今孔雀亦合而古人謂

孔雀聞雷而孕然兔雖舐毫其感孕以月理或然也月缺

也故其口缺一曰兔目不瞬視雄毫而孕又曰兔營窟必

背丘相通所謂狡兔三穴雀豹古今註云兔口有缺尻有

九孔內則曰兔去尻狐去首天玄主簿云孕環之兔懷于

物



左腋毛有文彩間色至百五十年當轉環于腦能隱形人不能見矣又兔性跳擲故其迹迄今兔將伏輒跳擲擺跡人反以此得之

爾雅云鳥之所乳謂之巢雞雉之所乳謂之窠兔之所息謂之窟鹿之所息謂之場

白居易曰足之健者雞距毛之勁者兔毫毫堪製筆

養生雜纂云兔肉妊婦食之主子缺唇又謂兔產從口中

出故忌之食兔缺唇猶食龜而偃之義也寇氏曰兔毛白

全得金之氣也抱朴子曰兔壽千歲五百歲毛色變白又

曰山中知日稱丈人者兔也六典曰赤兔上瑞白兔中瑞

括地圖曰天池山獸如兔鼠首以其背飛名曰飛兔即鼯

鼠也草木子曰蜀郡無兔鷓江南無狼馬朱提以南無鳩

鵲青箱記云古稱麀無膽兔無脾按字說赤與白為麀鹿見麀而成以此知其無

膽脾屬土土主信故詩以兔爰刺植公之失信以此知其無脾

蟹附蟹

爾雅云東方有比目魚焉不比不行其名謂之鱧南方有

比翼鳥焉不比不飛其名謂之鸛西方有比肩獸焉與邛

邛距虛比為邛邛距虛齧甘草若有雞邛邛距虛負而走

其名曰蟹北方有比肩民焉迭食而迭望中有枳首蛇焉

此四方中國之異氣也孔叢子曰北方有獸名曰蟹愛蟹



蛭驅驢食得甘草必齧以遺蛭蛭巨虛見人將來必負蛭而走蛭非愛蛭虛也為其假足也二獸亦非心愛蛭也為其得甘草而遺之也

埤雅曰蛭鼠前而兔後趨則顛走則顛契丹北境有跳兔前足纜寸許後足凡一尺行則用後足跳一躍數尺止則蹶然仆地即蛭也本草會編云蛭蛭青獸狀如馬驅驢似騾而小然則負蛭者或蛭蛭或巨虛二物不相須也

汲冢周書云獨鹿叩叩距虛善走也獨鹿西夷也又曰孤竹距虛孤竹北狄也

蟬史集卷之五終

蟬史集卷之六

稿李穆希文纂

# 毛虫類

犬

說文云孔子曰視犬三字如画狗也又曰狗叩也叩气吠以守禽走臭而犬能知之故臭從犬以鼻知臭故又自

爾雅云犬生三獾二師一獠未成毫狗狗子未生長喙獫

短喙獨獫詩曰載獫絕有力桃龍狗也詩曰無使

說文云犬生一子曰獫又曰獫生三子曰獫又曰獫多毛



犬曰獯又曰獯狂犬曰獯短喙曰獯短脰曰獯狷健曰狷  
長喙曰獯黃犬黑頭曰獯黃犬曰獯犬怒曰獯兩犬相爭  
曰獯犬閉聲曰獯又曰獯相得而閉曰獨犬聲曰獯犬呼  
曰嗥又曰獯犬走曰獯犬從籬中暴出曰獯竇中犬聲曰  
獯取獸曰獯犬不可附曰獯犬驚曰獯犬壯曰獯犬食曰  
獯小犬曰獯

埤雅曰長喙善獵短喙善吠以守莊子曰狗不以善吠為  
良蓋長喙為上短喙次之狗善猜警非禮相陵則警吠詩  
曰無感我悅兮無使靡也吠所以惡無禮也說文云犬狗  
之有懸蹄者也義訓云犬之良者韓有盧宋有鵲一作獯

盧黑色鵲黑白色淮南子曰若鵲之駁風土記云犬有青  
鸛白雀之名駿狗有白望青曹之名廣韻曰殷虞晉獮楚  
獮宋從韓盧皆良尚書云西旅獻獮犬孔安國曰犬高四  
尺曰獮汲冢周書云凶奴狡犬狡犬巨身四尺

周官犬人掌犬牲凡祭祀共犬牲用牲物伏瘞亦如之凡  
幾珥沈辜用駮可也凡相犬牽犬者屬馬掌其政治犬金  
畜也故屬秋官周官六畜馬牛羊豕雞犬也又曰犬赤股  
而躁躁又曰犬宜梁註云犬金畜梁土穀此以土生金為  
宜也傳曰犬有三種一曰田犬二曰吠犬三曰食  
張南軒云易稱艮為狗蓋艮止也狗則止于人而能止人



也吳氏曰外剛能止物而中內柔媚者狗也故良為狗陸  
佃曰狗善警吠止禦又其性前趨故良為狗良陽在上故  
也萬花谷云春秋考語七九六十三陽氣通故斗運狗三  
月而生宋均註云狗斗精之所生也

豸

埤雅云豸胡犬也似狐而小黑喙善守其字从干釋言曰  
干豸也取豸守也周官七射豸侯豸胡犬也其守在夷以  
能勝四夷之守為善亦其仗節死制而聽命于主士之事  
也故射豸侯蟬史云豸豸即豸也與霸下負屭等九獸皆  
龍也豸豸平生好訟今獄門上所刻如獅子頭者是或云

豸獸能豸守故獄用之

移○山海經云移似犬尾白喙赤出則天下有大兵

贊○爾雅云贊有力郭氏曰出西海大秦國有養之者似  
狗多力獷惡山海經云贊獸犬形多力出西海之濱

豸○山海經云扶拘山獸狀如犬六尺尾長丈餘名自呼  
取其皮以禦瘴厲

天犬○山海經云天門山赤犬曰天犬現則有兵乃天狗  
星光飛流注而生行如風聲如雷光如電

天狗○山海經云陰山獸如狸白首名曰天狗食蛇其音  
如猫佩之可禦凶



天馬○山海經云馬成山獸如白犬黑頭有肉翅見人則飛名曰天馬

山獬○山海經云嶽法山獸如犬人面善擲見人則笑名曰山獬行疾如風見即大風

豹澤○酉陽雜俎云豹澤大如犬其膏宣利以手盛及銅鐵瓦器中貯之悉透以骨盛則不漏

蠅○酉陽雜俎云蠅似黃狗糞有常處若行遠不及其家則以草塞其尻

毘邪○琰州毘邪山獸如犬里人呼毘邪故名毘邪山出一絕志射干○佛經云射干惡獸似青黃狗食人能緣木

### 豺

埤雅云豺似狗而長尾白頰高前廣後其色黃季秋取獸四面陳之以祀其先世謂之豺祭獸故先王候之以田禮記云豺祭獸然後田獵是也汲冢周書云霜降之日豺乃祭獸豺不祭獸豺不祭獸爪牙不良

蟬史云豺獨行者名獨豺乘見虎睡則逸而溺之虎不能起遂噬之俗云豺群噬虎言其健猛且衆可以窟虎也俗傳豺舌似棘舐舌如鋸骨瘦如豺豺紫也豺體細瘦故謂之豺舊說豺獺祭天或以謂自祭其先疑二物祭天而先亦與焉禮云萬物本乎天人本乎祖故曰人而不祭豺獺不



說文云豺狼屬狗聲食獸字說曰豺亦獸也乃能獲獸能  
勝其類又知以時祭可謂才矣龍門子曰豺舌雖狹而有  
殺虎之能鼠牙雖尖而有害牛之技伍子胥曰豺不為廉  
狼不可親

### 狼

爾雅云狼牡羴牝○狼其子微絕有力迅說文云狼似犬銳  
頭白頰高前廣後埤雅曰狼大如狗青色蒼白者亦有之  
作聲諸竅皆沸豺祭狼卜又善逐獸皆獸之有才智者故  
豺从才狼從良也里語曰狼卜食狼將遠逐食必先倒立  
以卜所向故今獵師遇狼輒喜蓋狼之所向皆獸之所在

也虎善擬其前狼善顧其後而又其靈智有才故雖跋胡  
蕘尾而能不失其猛也古之烽火用狼糞取其烟直而聚  
雖風吹不斜故曰狼堠又曰狼烟或云狼駢脅直腸故其  
糞之烟直也朱子曰狼善顧疾則不能蓋其性貪暴爭食  
以養口體而常害其身狼起臥遊戲多藉其草而草皆穢  
亂故里語曰狼藉又曰狼扈

周人獸人冬獻狼註云狼膏溫故冬獻之抱朴子曰狼壽  
八百歲滿三百歲則善變人形草木子云狼尾一孔三毛  
狼脰中筋大如鼻郊如織絡小囊虫所作也雜俎云狼筋  
如織絡袋子似筋膠所作大小如鴨卵人有犯盜者熏之



當脚攣縮因之獲盜也五行傳曰狼貪暴之獸體白色主  
兵之兆也埤雅云老狼項下有袋求食滿腹向前行乃觸  
之退後又自踏踐斃其尾進退有患故詩以况跋前疐其  
後袋胡異域傳曰突厥之先被隣國破滅有一兒年十歲  
兵刃其足棄草澤中牝狼以肉飼之及長與狼合有孕焉  
彼聞兒在遣殺之狼逃之高昌國北遂生十男其後各有  
一娃阿史那即一也後牙門建狼頭纛示不忘本也又云  
單于有二女甚美置高臺上有老狼守臺遂為狼妻產子  
後為高車國

猥

神異經云猥似狼無前足附狼而行無狼則不能行也故  
人進退不遂者曰狼猥失據酉陽雜俎云狼猥是兩物俱  
前足絕短每行常駕兩狼失狼則不能動故世言事乖者  
稱狼猥

獺

說文云獺如小狗水居食魚獺屬也獺一又曰獺獺類也  
廣雅云獺一名水狗有兩種形大頭如馬身似蝙蝠者名  
獺獺淮南子曰養池魚者不畜獺獺郭訓云獺似青狐居  
水中食魚本草會編曰獺四足俱短頭與身尾皆禿毛色  
若故紫白大者身與尾長三尺餘食魚居水中出水亦不



死亦能休于大木上羅氏曰獺能知水之高下其為穴必預度水所不至鄉人以是為潦水之候率以正月取魚于水傍四面陳列謂之祭魚埤雅云獺西方白虎之屬似狐而小青黑色膚如伏翼水居食魚又曰熊食益而死獺食酒而斃

汲冢周書曰兩水之日獺祭魚獺不祭魚國多盜賊記曰獺祭魚然後漁入津梁埤雅云獺自祭其先如貍豺然或云獺一歲二祭豺祭方獺祭負言豺獺之祭皆四面陳之而獺圓布豺方布也彭中洲云月令獺祭魚每祭必七魚列于石島上人齎取之有頃再列如舊

按俗傳獺祭魚將魚羅列于前取黃頰魚一枚以瓜按其頭作聲如人之有巫祝也故俗呼黃頰魚為魚師祭畢獺食諸魚而縱

字說云獺非能睽其類者也然亦知根本反始非無賴者山海經云登山瀟瀟之水出焉獸名獺其狀如鯪其毛如彘鬣本草云獺皮西戎以飾毳服領袖則汚垢不染如風靈翳目即就袖口拭目中即出

蟬史云獺又能捕鳥乘見鳧鷖羣在則仰臥于水離水面尺許乃吐沫以引之鳥見沫浮羣飛啄之獺乃以四足抱住如鳥賊之擒魚也獺肝一月一葉十二月十二葉其間又有退葉



海獺○博物志云海獺海牛海馬等皮在陸地皆候風潮  
猶能毛起陳藏器曰海獺似獺如犬脚下有皮如人胼拇  
毛着水不濡海中類陸物者如海牛海馬海驢海獺之類  
是也

狃狃○酉陽雜俎云勃樊州楓脂名熏陸香狃狃好啖之  
大者重十斤狀如獺其頭身四支了無毛惟後鼻上竟脊  
至尾有青毛廣一寸長三四分獵得者所刺不傷積薪焚  
之不死以大杖擊之骨碎乃死

幽類○山海經云古山上無草木有泚水西注于河中有  
獸文背善笑見人則佯臥名曰幽類其名自呼

在子○汲冢周書云良夷在子在子獸身人首脂其腹炙  
之藿則鳴曰在子註云良夷樂浪之夷也雜俎云在子鱉  
身人首

脰胸○本草云脰胸一名骨訥獸似狐而大長尾其皮上  
自有肉黃毛三莖共一穴生四戎或曰脰胸魚類不首兩  
足其臍紅紫色陳藏器云骨訥獸生突厥國胡人呼為阿  
惹勃他你其臍似麝香黃赤色臨海志曰脰胸壯若鹿形  
頭似狗長尾每遇日出則浮在水面藥性論謂之海狗日  
羣子謂之獸然觀其狀非狗非獸亦非魚也前似獸尾似  
魚其身有短密淡青白毛腹脅下全白



跡踢○山海經曰南海外赤水西流沙東獸一身三首有角名曰跡踢

狢狢○山海經云余戎山獸如兔鳥喙鴟目蛇尾過人則眠名曰狢狢見則螽蝗為害

貓一作

埤雅云鼠善害苗而貓能捕鼠去苗之害故字从苗詩云有貓有虎貓食田鼠虎食田鼠記云迎貓為其食田鼠也迎虎為其食田亦也舊傳貓旦暮目睛皆圓及午即從歛如線其鼻端常冷唯夏至一日煖蓋貓陰類也故其應陰氣如此世云薄荷醉貓死貓引竹物之相感出于自然貓

亦如虎畫地下食今俗謂之卜鼠

蟬史云貓眼隨十二時為大小惟正午時細如一線蓋貓陰類也利于陰故夜有光晝則陽盛不睜眼如合然口中三坎投一季五坎投二季七坎投三季九坎投四季言口內有九坎者能四季投鼠也貓一名烏圓相貓法云耳薄不耐寒瑣碎錄云貓產一子者害主急去之俗云止生一子名曰獨貓鼠聞之遠遁貓之上品也二說矛盾如是然產子三四皆雌皆雄者不可畜

相貓法云眼用金光身要短面要虎威聲要喊露爪能翻尾脚長善走家面長鷄種絕尾大懶如蛇



猿一作

埤雅云猿猴屬長臂善嘯其臂通肩刻之可以為笛聲圓於竹五九四十五為音音主猴故猴五月而生四九三十六六為律律主鹿故鹿六月而生或云猴性躁急猿性靜緩說文云猿屬或黃或黑春秋繁露云猿似猴而矢黑色前臂長能立善緣論衡曰鹿制于犬猴伏于鼠今人取鼠繫猿頸猿不敢動相制也荊州記云巴東三峽猿長鳴至三聲聞者下淚抱朴子曰猿壽五百歲變為獍爾雅云獍善援獍父善顧山海經云常遲山多白猿狀如獍猴其聲哀

文選註云玄猿者言猿之雄者玄色也素雌者言猿之雌者素色也叢叢記云獍以猿為婦舊傳猿鳴而獍候之莊子曰猿徧狙以為雌徧獍也

憎王孫文云猿之德靜以恒類仁讓孝慈居則相愛食則相先行有列飲有序不幸乖離則其鳴哀有難則內其柔弱者不踐稼蔬木實未熟相與視之董既熟嘯呼羣萃然後術術焉山之小草木必環而行遂其植性故猿之居山恒鬱然按猿不踐土好上茂木渴則懸崖接臂而飲

猴

呂氏曰狗似獍獍似母猴母猴似人白虎通曰猴候也楚



人謂之沐猴廣雅云猴一名狙一名胡孫一名王孫一名  
獼猴或曰老母猴曰猥非也抱朴子曰獼猴壽八百歲變  
為猿埤雅曰猿之德靜以緩猴之德躁以囂或曰猿性靜  
夜嘯常風月皎然猴性動每所至林木皆振響或曰猴無  
脾頷下有袋名猴孫袋食則急速聚于袋中後則緩緩咽  
出重嘔爾雅所謂寓鼠曰噉是也

莊子曰宋有狙公養狙而家匱將限其食曰與若芋朝三  
而暮四衆狙怒復曰朝四而暮三衆狙悅憎王孫文云王  
孫之德躁以囂勃諍號啾啾嚙嚙雖群不相讓也食相  
噬齧行無列與猿相反其行故王孫之居山恒稿然

猴一作猯

蟬史云猴一名狻蓋猿狖之屬也輕捷善緣木大小類猿  
長尾尾金色俗呼金線狻者是也取其尾為臥褥鞍被坐  
毯狻自愛其尾中矢毒即自齧斷其尾惡其為深患也或  
曰狻善睡或曰狻善揉猥善攫狻善援猴善候  
本草云狻似猴而大毛長黃赤色人取其皮作鞍褥

裸狻

爾雅云雌仰鼻而長尾雄似猴鼻孔向上尾長數尺末有  
岐兩則自懸于樹以尾塞鼻江東人取養之為物捷健  
埤雅曰狻似猿青身黑頰有髯髯黑其手亦黑好理髯又



愛其類生相序死相赴殺一可以致百舊云獾皮五色可為茵毯人以藥矢射之其偶為拔其矢因以自刺與之俱斃蟬史云獾獾一名狄一作蝮一作雅或曰黑猿曰狄續夷堅志云愛州有獸名獾獾似猴而差大有仁義行則大者前小者後有為射者中則拔死者矢而因以斃獸之有仁義者異物志云交州有獾獾如猿白質黑文尾長過其頭鼻孔向天兩則以尾塞其鼻孔毛細而溫本草云獾獾似猴人面毛如蒼鴨胎邊堪作褥周官裸有虎彘蝮彘謂畫虎蝮之形于彘也蝮猴屬也

騰紆

蟬史云騰紆一名騰射沐猴類也頭正方貌類人髮長尺餘常覆面欲有所視輒搖頭以兩手披之

猩猩

蟬史云猩猩似猿人面能言聲如小兒人頭承身出交趾其唇味極美呂氏春秋曰猩猩之唇獲獲之炙又曰猩猩之唇翰音之距高誘註曰猩猩人面狗軀而長尾山海經云鵲山有獸狀如狒類猴髮垂地江東山中亦有之名猩猩能人言韻府群玉云胡人取其血染毛蜀刺其血問之曰與我幾許若加之鞭箠問之隨所加一斗其血染紅天下絕色故曰猩猩紅淮南子曰猩猩知往而不知來



蓋謂知人家往事及祖父名位。椰子厚。答天問曰：何獸能言？答曰：獸言嚶嚶。人名是達。註云：猩猩能知人名也。汲冢周書云：穢人前見見若獼猴，立行聲如小兒。註云：穢人，東夷別種，言其所貢之物，疑即猩猩也。又曰：都郭生生，若黃狗人面，能言。註云：都郭北狄名，生生即猩猩也。哀牢夷出猩猩，形如狗而人面，頭顱端正，善與人言，聲啼。紗麗如婦人對語。

按猩猩在山谷間，常數百為群。里人以酒并糟設于路側，又愛着屐。里人織草為屐，更相連結。猩猩見酒及屐，知里人設張，能知張者祖先姓字及知彼之誘計，戒莫飲酒。久

之乃相謂曰：試共嘗之。及飲甘，乃大酌，遠醉，因取屐着之，遂為人所擒。

鬻鬻

一作狒狒  
一作鬻

爾雅云：狒狒如人，披髮，迅走，食人。註云：梟羊也，狀如人面，長唇，黑身，有毛，及踵見人則笑。大者長丈餘，俗呼曰山都。淮南子曰：梟羊，山精也，似飛，遽。李善曰：梟羊，即狒狒也。陳藏器曰：鬻鬻之血飲之，令人見鬼，亦堪漆。緋其赤髮，可為頭髮。出西南夷，如猴。汲冢周書云：州靡，費費，其形人身，枝踵自笑，笑則上唇翕其目，食人。北方謂之土螻。註云：州靡，北狄也，費費，名梟羊，立行如人，被髮，前足稍長。



蟬史云佛佛俗呼野人赤髮被地猴形人立長指濶唇好以指甲剖人心肝而食之土人取之法以竹管套其手佛佛見人則必曳人之手仰面大笑笑則上唇掩其目人潛于竹管內出其手以銳釘釘其額唇不得下目無所見佛佛所執竹管捏為粉碎任其奔走力疲就擒取其髮為堯鏊之纓血堪染緋而脣亦不減于猩唇也

野人蟬史云野人之種最多猩猩狒狒獼父野婆皆是然尚有毛人又有木客皆另是一種如晉時秦精入武昌山採藥遇一毛人長丈餘引精至山曲示以聚茗既別探懷中橘與精精佈而歸如宋咸平間永州永平洞有野人雌

者突入田中擒一少年置洞中與之臥起既而逃歸如上洛山中多木客乃鬼類言貌似人能斫杉枋與人交易常就民間飲酒如南州有野婆黃髮椎髻跣足裸形儼然一娼也其群皆雌無匹偶上下山谷如飛猿自腰以下有皮蓋膝每遇男子必負去求合嘗為樵夫所殺至死以手護腰間剖之得印方寸瑩若蒼玉字類符篆文

獼一作

爾雅云獼父善頤註云獼猴似狢猴而大色蒼能攫持人好顧盼山海經云臯塗山獸如白鹿前兩脚似人手後兩脚似馬蹄四角名獼呂氏曰狗似獼獼似母猴抱朴子曰



猿五百歲變為獾獾壽千歲變為蟾蜍

酉陽雜俎云蜀西南高山有物如猴狀長七尺名猴獼一曰馬化好竊人妻多時形皆類之盡姓楊今蜀中姓楊者往往獲瓜博物志云蜀南沈黎山有獾路見婦人盜負入穴西番部落最多

穀○郭璞曰穀似鼯而大腰以後黃一名黃猴或云似豹腰食你而小說文作穀曰犬屬腰以上黃腰以後黑食母猴或云穀似牂羊犬首而馬尾雜俎曰黃腰一名唐已人見之不祥俗云能食虎小者名曰青腰亦能食虎腰以後青色故也爾雅曰貔白狐其子穀一名執夷虎豹之屬

獬狢○張揖曰獬狢似獼猴頭上有髦腰以後黑或曰獬狢似猿而白詩疏云老猴為獬狢駿捷其鳴噉噉而悲噉噉○山海經云喻次山獸狀如狒狒長臂善殺名曰囂獨○埤雅曰獨猿類也似猿而大食猿猿性群獨性特猿鳴三獨鳴一是以謂之獨又曰蛙鳴夜獨鳴曉類從曰獨一鳴而猿散鼃一鳴而龜伏蟬史云獨如虎白身承鬣黑出北囂山

獼母○異物志云獼母狀如猿逢人則叩頭小打便死得風就活交州記云獼母出九德縣似猿見人若慚出頸打殺得風便活



虞○爾雅云虞迅頭郭氏曰建平山中有虞大如狗似獼  
猴黃色多鬚鬣奮迅其頭能投石擲人攫類也

厭火獸○山海經云厭火國有獸身黑色火出口中狀如  
猴如人行立

獼狽○山海經云獼狽似猴而赤莊子曰猿獼狽以為雌  
崔氏曰獼狽一名獼狽狽似猿而狗頭或云似狼而赤即  
獼狽非猴也

蒙賁○爾雅曰蒙頌狽狀郭氏曰即蒙賁也似雌而小紫  
黑色可畜養以捕鼠豚于猫九真日南皆有之

長彘○山海經云浮玉山獸狀如猴四耳虎毛而牛尾音

如犬吠名曰長彘食人見則大水

獼褭○山海經云春光山獸如獼猴人面彘鬣穴居冬蟄  
名曰獼褭音如斫木聲見多徯役

長舌○長舌山獸名長舌狀如馬而四耳見則郡多水旱

熊

埤雅云熊似豕豎山居春出冬蟄性輕捷攀援上高木見  
人則顛倒自投地而下當心有白脂如玉味甚美俗呼熊  
白寒月則有夏月則無其膽春在首夏在腹秋在左足冬  
在右足好舉水而引氣謂之熊經冬蟄不食飢則自甃其  
掌故其美在掌周官司裘王大射則共虎侯熊侯豹侯設



其鵠諸侯則共熊侯豹侯卿大夫則共麋侯皆設其鵠註云虎侯王所射熊侯諸侯所射豹侯卿大夫以下所射也

周官司常掌九旗之名物各有屬以待國事熊虎為旗註

云熊虎取其猛今按世間旗上所圖熊虎皆有雙翼名曰飛熊飛虎俗傳熊虎豹皆有能飛者本草

中亦有圖疑非虛也周官方相氏掌蒙熊皮黃金四目玄衣朱裳執

戈揚盾抱朴子曰熊壽五百歲能化為狐狸

本草會編云熊掌為食珍之貴古最重之然臠之得酒醋

水三件煮熟則膜大如皮球詩曰維熊維罴男子之祥

墨客揮犀云熊子山中行數千里悉有跣伏之所必在林

木巖谷中山民謂之熊館

羆

埤雅云羆如熊而大黃白文長首高脚音目能緣能立

猛憨多力遇人則擘而攫之俗云羆羆眼直惡人橫目淮

南子曰熊羆之動以攫搏兕牛之動以舐觸是也其白生

於心之下育之上亦如熊白而粗秋冬則有春夏則無勇

猛多力能拔大木俗云熊羆富脂至春臄癢即登高木自

墜謂之撲臄今人畜熊以撻撻之更致壯長蓋傲于此或

曰羆有黃赤二種羆畏虎虎畏羆蓋羆披髮人立絕有力

舊云獅子虎見之而伏豹見之而踴唯羆見之而躍獅子

又畏羆故也汲冢周書曰東胡黃羆







別其小所寢魯所臥四獠皆白孩獠蹄其跡刻絕有力死  
 牝犯方言曰豬燕朝鮮之間謂之猥關東謂之彘或謂之  
 豕南楚謂之豨其子謂之豨吳楊之間謂之猪說文云牝  
 豕曰豨豕母曰豨又曰犯老母豕曰豨小母豕曰豨小豕  
 曰豚豕一歲曰豨豕生三月曰豨豕高五尺曰豨又作豨  
 老豕曰豨猪求子曰豨豕齧地曰豨豕怒毛豨曰豨豕走  
 悅曰豨豕鳴曰豨呼猪聲曰豨豕息曰豨豕養豕曰豨豕良猪  
 曰豨豕壯大曰豨長毛曰豨兩豕曰豨豕生三子曰豨  
 本草會編曰彘五尺為豨凡猪骨細少筋多膏大者有重  
 百餘斤食物至寡故人畜養之甚易生息

朝野僉載述羅氏曰豕之性能水故牧豬之所在必水草  
 之交此所以豨从猪蓋猪猪所食息也埤雅曰豕彘也竭  
 其尾故謂之豕犬喜雪馬喜風豕喜雨故天將雨則豕進  
 涉水波詩曰有豕白蹄豕涉波矣月離于畢俾霑霑矣  
 張南軒曰易曰坎為豕蓋豕主汚濕其性趨下故坎為豕  
 吳氏曰前後皆陰之汚濁而中心剛躁者豕也故坎為豕  
 陸佃曰豕能俯其首又喜卑穢性趨下亦水畜也故坎為  
 豕按禮云羊曰柔毛豕曰剛鬣又曰豕曰肥臄說文曰牛  
 羊曰肥豕曰臄豕曰肥臄蓋兼之也夫豚豕善肥故易云  
 羸豕孚踯躅又曰牝豕曰豨說文又以謂豕二歲曰豨蓋



能相把拳也。說文曰：巳象蛇之形，亥象豬之形，蓋一陽生于子，至巳而六陽備；一陰生于午，至亥而六陰備。故二字皆象形也。

周禮云：承宜稷，犬宜梁。註云：承，土畜；稷，水穀。此以土尅水為宜。犬，金畜；梁，土穀。此以土生金為宜也。周禮辨腥臊膾，香之不可食者，承，盲眦而交睫，腥。古今註云：羊為長髯，豕為長喙，將軍。

朝野僉載曰：唐拱州人有畜豬致富，號豬為烏金。

豪豬。○蟬史云：豪豬一名狙豬，夾脾粗毫，至長數尺，能以頸上豪射物，其毫大如筭，白而黑端，入肉處繞二三分中。

間白處常隱不見，但見其黑端耳。怒則白色露而激去，此蓋怒氣所發，未必以射人也。其毫特達出于其類，與他豬形狀絕然迥異，故才出眾曰豪。一說自孕而生，惟豪豬為然。故曰厥體兼資，自為牝牡者是也。星家三十六禽，亥上有三豕，喻豪豬。山海經曰：竹山有獸，其狀如豚，白毛，大如筭，而黑端，以毛射物，名豪豬。本草云：豪豬一名蒿豬，取其毛箭可為簪，名蒿豬。簪毛如蝟，簪搖而射人，豬之類也。懶婦。○虞衡志曰：懶婦如山豬，而小喜食禾，田夫以機軸織維之，器掛於田頭，則不渡。近廣右安平七源等州有之。野豬。○蟬史云：一名野豕，一名獐，生山中，似豕而大，毛黃。



而踈皮堅而厚好踐食種荳稼頗為民患大者重二百斤  
能以頭觸人倒地以牙挑腸而食之於叢鬱處含枯柴作  
窠藉以草茅周禮庖人掌共六獸六獸謂麋鹿狼麝野豕  
也寇宗奭曰野豕京西界甚多形如家豬但腹小脚長毛  
色褐群行獵人惟取最後者射中前奔則群猪散走傷人  
鬣○萬花谷云南蠻室利佛逝有獸類野豕角如山羊名  
曰鬣味甚美

義○凡山有獸如彘黃身白首白尾名曰義見即大風  
當庚○欽山獸如豚名當庚其名自呼見則天下大稔  
鬣封○區陽以鬣封若彘前後有首區陽名

鼠

埤雅云鼠類最壽故謂之老鼠若老鶴老鷹老烏之類是  
也鼠性疑出穴多不果故持兩端謂之首鼠韓子曰狐鼠  
進退其行一前一却故也詩云誰謂雀無角又曰誰謂鼠  
無牙蓋雀有味而無角鼠有齒而無牙傳曰不思物變而  
推其類雀之穿屋似有角者又曰視牖之穿推其類可謂  
鼠有牙者明鼠無牙者也蓋詩以雀言獄鼠言訟也鼠一  
名鼯南陽呼鼠為鼯方言曰宛野謂鼠為鼯廣雅曰鼯鼠  
是也傳曰窮鼠嚙狸言鼠窮則聞也  
草木子曰術家以十二肖配十二辰每肖各有不足鼠無



牙牛無齒虎無脾兔無脣龍無耳蛇無足馬無膽羊無神  
猴無腎雞無腎犬無腸猪無肋人則無不足也

考工記曰鼠膠黑魚膠餌犀膠黃本草云人食巴苳而斃  
鼠食巴豆而肥人食野葛而死羊食野葛而肥陶隱居云  
神仙人吞巴豆一粒輒死鼠食之三年重三十斤

一統志云山西大同各州出一種鼠名黃鼠東寧縣出青  
鼠皮貂鼠皮海州衛黃鼠味最佳遼東甘肅地土人多珍  
之酉陽雜俎云人夜臥無故失髻者鼠妖也

鼯○蟬史云鼯一名竹鼠一名竹鼯一名稚子燕山錄云  
煮羊以鼯煮蟹以蚊蓋其性類相感省火易熟也浙東衢

州出竹鼯大如負鼠多膏中啖土人珍之好伏土底食竹  
根未嘗見日如家鼠蒼色尾短如兩粒米許目細而長前  
足不瓜指乃一片者後足微有爪指或云穴地而走食  
竹木草根不見天日人掘得之匍匐不能走蓋脚短不便  
故也

鼯○爾雅云鳥鼠山有鳥鼠同穴其鳥曰鴝其鼠曰鼯  
鼯如家鼠而短尾其穴入地三四尺鼠在內鳥在外孔安  
國曰共為雌雄同穴而處

鼯鼠○埤雅云鼯鼠一名鼯鼠一名鼯鼯似鼠而小

鼯鼠○唐韻云鼯鼠小鼠也相含而行蟬史曰鼯鼠俗呼



土鼠又名土猪似猪而小無目黑色穿土而行天將雨則鳴行必成群銜尾魚貫而進以目瞽惧顛蹶也身臭雖猫犬亦不食之一名隱鼠

鼯鼠○山海經云天地山有獸如兔而鼠首以其背毛飛飛即仰名曰飛鼠文選註云一名飛蝠以其鬣飛部璞云蝠鼯鼠也毛紫赤色飛且生一名飛生或曰鼯鼠一名夷暢一名鷓鳥似蝙蝠聲如人呼埤雅曰鼯鼠爾雅所謂鼯鼠夷由狀如小狐肉翅翅尾項脅毛皆赤紫色背上蒼艾色腹下黃喙頰雜白脚短爪長尾三尺許飛且乳亦謂之飛生一名飛鼯其狀如兔而鼠首以其鬣飛性食火烟能

從高赴下不能從下上高馬融曰猿雖晝吟鼯夜叫荀子所謂鼯鼠五技而窮即此也按螻蛄亦名鼯鼠五技而窮指螻蛄耳

鼯鼠○唐韻云鼯鼠每月三易其腸博物志云唐公房合宅登仙雞犬皆去唯鼠惡其不淨一日三易其腸今故傳此鼠是也

鼯○蟬史云鼯一名鼯一名黃鼠狼又名鼠豺如鼠而大純黃色善捕鼠亦能盜窰鷄鴨人頗患之埤雅云鼯鼠似貂赤黃色似鼠而大尾亦大廣雅鼠狼鼯是也莊子曰騏驥騶捕鼠不如狸狴鼯作狴



鼯○爾雅云鼯鼠身長鬚秦人謂之小駟郭璞曰似鼠而馬蹄一歲千斤為物殘賊又曰今江東山中有鼯鼠狀如鼠而大蒼色在樹木上

鼯鼠○埤雅云鼯鼠有螫毒其口齧人及鳥獸皆不痛春秋所書食郊牛角者是也博物志云鼯鼠之最小者或云甘鼠是也食人死膚令人患惡瘡多是此虫本草云鼯鼠有毒食人及牛馬等成瘡至死不覺此虫極細不可卒見董仲舒曰鼯鼠食郊牛角皆養牲不謹也京房易傳曰祭天不謹厥妖鼯鼠食郊牛角蓋子不子故鼠食其郊牛也鼯鼠○爾雅云鼯鼠地中行鼠乃伯勞所化陶弘景曰鼯

鼠一名隱鼠如鼠大而無尾黑色長鼻甚強常穿耕地中而行陳藏器曰隱鼠陰穿地而行見日月光則死或曰是野田中尖嘴鼠也蟬史云蚘鼠似狸而大蒼灰色與獾相類能穿觸田土中作穴一名觸狼亦能害稼或曰形類鼠而肥多骨色黑口鼻尖大鼯一作蚘

碩鼠○爾雅云鼯鼠郭註云形大如鼠頭似兔尾有毛青黃色好在田中食粟菑闕西呼為鼯鼠埤雅云碩大也言鼠之大者也詩云碩鼠碩鼠無食我黍所以刺重斂也陸機曰河東有大鼠能人立交前兩脚於頭上能舞善鳴食人禾苗或謂之雀鼠又曰鼯鼠一名禮鼠蓋見人交其前



足而拱如人之有禮也一名拱鼠詩云相鼠有體人而無禮言之反不如鼠之知禮也易云晉如碩鼠以言晉卦六五之所蕃錫而康九四之所以貪竊而懼也芸心識余曰詩咏碩鼠刺其貪易言碩鼠象其貪

栗鼠○埤雅云栗鼠蒼黑而小尾大于鼯取其尾之毫可以製筆世所謂鼠鬚栗尾是也蟬史云栗鼠一名松鼠食松實及栗橡山菓之物形類家鼠而小尾大而長身輕而健飛擲林杪宛若飛鳥鼠類之可玩可愛者也

火鼠○草木子曰火鼠生于火中南方有之取其毛以為火浣布經火不焚或云火鼠長丈餘入火不燒安南有火

雞即此類也叢叢記云西域有火鼠之布東海有不灰樹水鼠○蟬史云水鼠生于水中不入人家俗云直蛇橫鼠蓋蛇好順流而行鼠好橫流而渡也神異經云北方冰厚百丈有小鼠在下毛可為褥即水鼠也

鼯鼠○蟬史云鼯一作鼯一作蝮圖經云蝮鼠似牛而鼠首足黑色大者十斤多伏於水又能偃水放沫故云鼯鼠陶隱居曰鼯鼠大如水牛形似豬灰赤色下脚似象曾前尾上皆白有力純赤者亦有之取食之味如牛肉堪作脯一名鼠王其精溺一滴落地輒成一鼠

鼯鼠○蟬史云鼯大鼠也聲若犬吠或云鼯鼠似鼠郭氏



曰山海經云鼯鼠未詳其形有鼯鼠有鼯鼠有鼯鼠有鼯鼠  
鼠俱未詳其形

鼯鼠○夏小正云鼯鼯則穴

鼯鼠○蟬史云鼯鼠似類裡藏食之鼠也

鼯鼠○說文云鼯鼠之屬能飛食虎豹山海經云渠搜國  
有犬名曰鼯犬一名露犬高三尺有翼能飛汲冢周書云  
渠搜以鼯犬鼯犬露犬也能飛食虎豹

鼯鼠○爾雅云豹文鼯鼠註云鼠文彩如豹者

鼯鼠○說文曰鼯鼠豹文而形小出胡地可作裘

鼯鼠○埤雅曰貂鼠類縹毛者也其皮煥于狐貉取以為

帽得風則煖其毛拂面如焰朔地苦人以其皮温額後代  
以金璫飾首前挿貂尾至漢因焉加以附蟬為文侍中挿  
左常侍挿右宋志云金蟬玉貂漢官儀云金取堅剛百鍊  
而不耗蟬取其潔居高飲潔而不食貂取內勁悍外温玉  
取其潤色紫蔚而不耀

土撥鼠○土撥鼠出西蕃

山澤穴土為窠形似獺夷人掘取食之  
謂○本草圖經曰蝟狀類獾脚短多刺尾長寸餘人觸  
便截頭足外皆毛刺卒不可握入藥惟蒼白色脚短似猪  
蹄者佳鼠脚者次毛端有兩岐者名山枳鼠肉味酸者名  
虎鼠味苦而皮褐色類兔皮者名山獾艾穀子曰刺端系



兩岐者曰蝟如棘刺者曰蝟蝟狀如鼠性極獯鉅物少犯  
近則毛刺攢起如矢爾雅所謂彙毛刺者是也易云拔茅  
連茹以其彙征吉彙之為物以類行以類止故又為以其  
彙征又曰火爍金故鵲啄蝟蝟能制虎鵲能制蝟蓋物之相制如此  
瞎撞○百感錄云西北獸類黃鼠而短喙無目性狡善聽  
聞人足音輒逃匿有時誤聞他聲驚惶奔竄土人呼為  
耳鼠○山海經云丹熏山獸如鼠而兔首麋耳音如犬以鬣飛  
銀鼠○似貂而白色毛長三寸柔煥可愛皮勝于貂鼠  
黃鼠○出遼東寧夏甘肅大同等處黃色多膏一種青色  
者名青鼠或云黃鼠多伏地中



